

## UGOVOR O SNABDIJEVANJU ELEKTRIČNOM ENERGIJOM

Zaključen , između:

1. **Javna ustanova „Fond Memorijala Kantona Sarajevo, Širokac 22, Sarajevo, koga zastupa v.d. direktor-a Mirsad Delalić, dip.soc.rad. ( u daljem tekstu: Ugovorni organ)**  
i
2. **JP ELEKTROPRIVREDA BiH dd SARAJEVO, Vilsonovo šetalište 15, Sarajevo, JIB: 4200225150005, PDV broj:200225150005, koga zastupa Bajazit Jašarević, Generalni direktor i Džemo Borovina, Izvršni direktor za snabdijevanje i trgovinu (u daljem tekstu: **Dobavljač**)**

### Član 1.

#### Predmet ugovora

Predmet ovog ugovora je utvrđivanje prava, obaveza i odgovornosti između Ugovornog organa i Dobavljača u snabdijevanju električnom energijom, a sve prema tenderskoj dokumentaciji br.13-49-585/19 i ponudi br:03-4-41-72250/2019, koja čini sastavni dio ovog ugovora.

Na sve što nije regulisano ovim ugovorom, primjenjivaće se odredbe sljedećih propisa: Zakon o obligacionim odnosima (u daljem tekstu: „ZOO“), Pravilnik o snabdijevanju kvalifikovanih kupaca električnom energijom i postupku promjene snabdjevača („Službene novine Federacije BiH“ broj:89/14) (u daljem tekstu: Pravilnik o snabdijevanju), Opšti uslovi za isporuku električne energije („Službene novine Federacije BiH“ broj:89/14), (u daljem tekstu: „Opšti uslovi za isporuku električne energije“).

### Član 2.

#### Osnovni podaci o kupcu

Kategorija potrošnje: 0,4

Adresa mjernog mjesta: Ugovorni organ ima više objekata/priključaka/mjesta isporuke, koja su data u prilogu br.1, koji je sastavni dio ovog ugovora.

Adresa dostave računa: **ekonomsko@memorijal.com.ba.**

Ugovorne strane su saglasne da će Dobavljač Ugovornom organu, ukoliko se ukaže potreba, omogućiti postavljanje novih mjernih uređaja. Sva nova mjerna mjesta koja se eventualno nabave u vrijeme važenja ovog Ugovora osigurat će se pod istim uslovima kao i za mjerna mjesta iz obrasca za cijenu ponude.

Dobavljač je obavezan da u ime Ugovornog organa zaključi ugovor o pristupu distributivnoj mreži za operatorom distributivnog sistema, prema propisima iz člana 1. Ugovora.

### Član 3.

#### Količina električne energije i kvalitet snabdijevanja

Dobavljač je balansno odgovoran za mjesta primopredaje Ugovornog organa.

Dobavljač se obavezuje da će u okviru svojih nadležnosti obezbijediti snabdijevanje Ugovornog organa električnom energijom u skladu sa Pravilnikom o snabdijevanju i članom 9-12 do 16 Opštih uslova za isporuku električne energije. Član 2.

FBiH: 9-12. i 16.

RS: 59-63.

BD: 59-63.

Isporuka i preuzimanje električne energije može se obustaviti ili ograničiti samo u uslovima propisanim članovima 75 do 87 Opštih uslova za isporuku električne energije (Uslovi kada se može obustaviti ili ograničiti isporuka električne energije), kojim su utvrđena i pravila ponašanja ugovornih strana u tim uslovima i naknada štete u slučaju neosnovane obustave isporuke električne energije.

FBiH: članovi 75-87.

RS: članovi 93-108.

BD: članovi 93-106.

#### **Član 4.**

##### **Mjesto isporuke i mjesto mjerenja isporučene električne energije**

Mjesto/mjesta isporuke električne energije: 0,4 na nominalnom naponu: 0,4 kV.

Mjesto/mjesta mjernja električne energije: 0,4 na nominalnom naponu: 0,4 kV.

#### **Član 5.**

##### **Cijena električne energije i način obračuna**

Cijena električne energije i način obračuna će se vršiti prema ponudi Dobavljača br: 03-4-41-72250/2019.

Cijene snabdijevanja električnom energijom ne mogu se mijenjati u toku izvršenja ugovora, dok se naknada za podsticanje proizvodnje električne energije iz obnovljivih izvora i cijena usluge korištenja distributivne mreže mogu mijenjati samo u slučaju i u svemu prema izmjeni propisa kojim su regulisane iste. Dobavljač obavještava Ugovorni organ u pisanoj formi o nastalim promjenama u obračunu ovih kategorija.

**Ugovorne strane su saglasne da ukupna vrijednost ugovora sa uključenim PDV-om iznosi 20.108,92 KM -/slovima:dvadesethiljadastotinuosam i 92/100 KM/.**

#### **Član 6.**

##### **Način mjerenja utrošene električne energije**

Očitavanje mjernih uređaja vrši Operater distributivnog sistema 2. JP ELEKTROPRIVREDA BiH dd SARAJEVO, prema stvarno utrošenim količinama električne energije, najmanje jednom mjesečno, u periodu od najranije tri dana prije isteka obračunskog perioda, a najkasnije tri dana po isteku obračunskog perioda, kao i u drugim slučajevima predviđenim

FBiH: član 67-71. Opštih uslova za isporuku i snabdijevanje električnom energijom

RS: član 80. Opštih uslova za isporuku i snabdijevanje električnom energijom

BD: član 80. Opštih uslova za isporuku i snabdijevanje električnom energijom BD BiH.

Ugovorni organ je dužan u svako vrijeme omogućiti neometan pristup obračunskom mjesnom mjestu i mjernim uređajima radi održavanja i očitavanja, kao i radi obustave isporuke električne energije.

#### **Član 7.**

##### **Dostava računa i plaćanje**

Obračunski period je jedan kalendarski mjesec. Dobavljač dostavlja račun Ugovornog organa na osnovu obračuna izvršenog obračuna po odredbama ovog ugovora, putem maila [ekonomsko@memorrijal.com.ba](mailto:ekonomsko@memorrijal.com.ba), najkasnije do 15-og dana u mjesecu za prethodni obračunski period. Ako Ugovorni organ ne zaprimi račun u predviđenom roku dužan je o tome obavijestiti Dobavljača najkasnije do 20-og dana u mjesecu, a Dobavljač će izdati Ugovornom organu kopiju računa bez naknade.

\* Mogu se ugovoriti i drugačiji rokovi za dostavu računa

FBiH: član 67-71. Opštih uslova za isporuku i snabdijevanje električnom energijom

RS: član 84. Opštih uslova za isporuku i snabdijevanje električnom energijom

BD: član 84. Opštih uslova za isporuku i snabdijevanje električnom energijom BD BiH

Ugovorni organ će, ukoliko nema prigovora na ispostavljeni račun, izvršiti plaćanje obaveza navedenih u računu najkasnije 45 dana od dana prijema računa. Plaćanje će biti izvršeno na račun Dobavljača, prema instrukcijama naznačenim na samom računu.

Ukoliko ne izvrši plaćanje u roku, Dobavljač ima pravo zaračunati zateznu kamatu prema važećem zakonu o visini stope zatezne kamate.

\* mogu se ugovoriti i drugačiji rokovi plaćanja

FBiH: član 67-71. Opštih uslova za isporuku i snabdijevanje električnom energijom

*Ugovorni organi u FBiH, rok plaćanja ne duži od 60 dana (Zakon o finansijskom poslovanju, Službene novine FBiH, br. 48/16)*

RS: član 86. Opštih uslova za isporuku i snabdijevanje električnom energijom

BD: član 86. Opštih uslova za isporuku i snabdijevanje električnom energijom BD BiH

U slučaju raskida Ugovora zbog promjene dobavljača, Dobavljač Ugovornom organu izdaje završni račun sa svim dugovanjima, a Ugovorni organ je obavezan račun platiti u roku od 15 dana od dana očitavanja.

Dobavljač će dospjela a nenaplaćena potraživanja naplaćivati na način da se prvo otplate troškovi, zatim kamate i na kraju glavnica, a sve prema članu 313. ZOO.

## Član 8.

### Promjena podataka

Ugovorni organ je obavezan da pisanim putem obavijesti Dobavljača o izmjenama odgovarajućih podataka kao što je naziv, adresa i slične izmjene podataka u toku ugovornog perioda koji utiču na obračuni dostavu računa.

## Član 9.

### Prigovor na račun

U slučaju da Ugovorni organ ima prigovor na ispostavljeni račun, ili traži korekciju obračuna, primjenjuju se odredbe članova:

FBiH: 63. i 70. Opštih uslova za isporuku i snabdijevanje električnom energijom

RS: 87. i 88. Opštih uslova za isporuku i snabdijevanje električnom energijom

BD: 87. i 88. Opštih uslova za isporuku i snabdijevanje električnom energijom BD BiH

## Član 10.

### Obustava isporuke električne energije zbog neplaćanja računa

Ukoliko Ugovorni organ ne izvršava obavezu plaćanja u ugovorenom roku, Ugovornom organu može biti izvršena obustava isporuke električne energije nakon isteka roka utvrđenog u Obavještenju o prestanku isporuke koji ne može biti kraći od 8 dana.

Datum obustavljanja isporuke električne energije naveden u obavještenju ne smije biti petak, vikend, državni ili vjerski praznik, dan prije praznika ili u druge dane kada ovlaštene kancelarije za rad sa korisnicima distributivnog sistema, odnosno za rad sa krajnjim korisnicima nisu otvorene.

## Član 11.

**Osiguranje naplate električne energije za kupce iz člana 107. Opštih uslova za isporuku električne energije (RS), odnosno člana 105. Opštih uslova za isporuku električne energije (BD) (može se navesti da se primijnuje i u drugim slučajevima)**

U slučaju da Ugovorni organ neuredno izmiruje svoje obaveze za plaćanje preuzete električne energije, Dobavljač može tražiti, a Ugovorni organ je dužan da osigura mjenicu ili bankovnu garanciju, u formi prihvatljivoj za Dobavljača i u iznosu jednakom prosječnom tromjesečnom računu.

Dobavljač može pokrenuti postupak obustave isporuke električne energije zbog neplaćanja, ukoliko Ugovorni organ ne osigura instrument obezbjeđenja plaćanja za preuzetu električnu energiju naveden u prethodnom stavu.

## Član 12.

### **Naknada štete zbog obustave isporuke električne energije**

Odgovornost za učinjenu štetu, način rješavanja i visinu naknade štete, ugovorne strane će utvrđivati u skladu sa članom:

FBIH: 86. Opštih uslova za isporuku električne energije

RS: 108. Opštih uslova za isporuku električne energije

BD: 105. Opštih uslova za isporuku električne energije

i odredbama ZOO.

Visina naknade štete biće utvrđena sporazumno na osnovu tržišnog pristupa ili na osnovu vještačenja od strane neovisnog vještaka prihvatljivog za obje strane.

Ako strane ne postignu konsenzus o odgovornosti za učinjenu štetu i visini naknade štete svaka strana ima pravo da pokrene sudski spor.

## Član 13.

### **Povjerljivost podataka i informacija dobijenih u toku realizacije ugovora**

Ugovorni organ je saglasan da Dobavljač može koristiti podatke vezane za ugovorni odnos u svrhu ispunjavanja ugovornih obaveza, a u skladu sa propisima o zaštiti ličnih podataka. Ugovorni organ je saglasan da Dobavljač može vršiti razmjenu informacija i podataka sa Operatorom distributivnog sistema, a koji se odnose na mjerna mjesta Ugovornog organa, koja su predmet ovog Ugovora.

Ugovorni organ i Dobavljač saglasni su da će čuvati kao tajne i štiti sve informacije i podatke do kojih dođu tokom realizacije ugovora. Zabrane se ne primjenjuju na nadzorna tijela koja imaju nadležnost nad tom stranom, odnosno na ovlaštene predstavnike institucija entiteta i/ili BiH.

## Član 14.

### **Rješavanje sporova**

Prigovore koje Ugovorni organ uputi Dobavljaču, Dobavljač će rješavati u skladu sa odredbama člana:

FBIH: 88. Opštih uslova za isporuku električne energije

RS: 109. Opštih uslova za isporuku električne energije

BD: 107. Opštih uslova za isporuku električne energije u BD BiH

Ugovorni organ može podnijeti zahtjev FERK-u (RS: RERS-u) za rješavanje sporova, u vezi sa slučajevima utvrđenim u članu 89. Opštih uslova za isporuku električne energije (RS: u članu 110. Opštih uslova za isporuku električne energije, u roku od 15 (petnaest) dana od dana prijema odgovora od strane Dobavljača po prigovoru. Rješavanje sporova pred FERK-om (RERS-om) ne isključuje pravo na pokretanje sudskog spora ako strane u sporu ne postignu konsenzus.

Ako se strane posebno dogovore, za rješavanje sporova u vezi sa slučajevima utvrđenim u članu 89. (RS: 110.) Opštih uslova za isporuku električne energije, mogu ugovoriti arbitražu pred FERK-om (RS RERS-om) u skladu sa odredbama Pravilnika za arbitražu FERK-a (RS: RERS-a).

Za rješavanje sporova za koje strane ne postignu konsenzus u postupku pred FERK-om (RS RERS-om), ili za koje strane ne ugovore arbitražu pred FERK-om (RS: RERS-om) ili za rješavanje sporova koji ne spadaju u slučajeve utvrđene u članu 89. (RS: 110) Opštih uslova za isporuku električne energije, nadležan je mjesno nadležan sud.

#### **Član 15.**

##### **Primjena propisa**

Ugovorne strane se obavezuju da primjenjuju propise navedene u članu 1. ovog ugovora. U slučaju izmjena i dopuna važećih propisa ili donošenja novih propisa koji utiču na odredbe ovog Ugovora, odredbe ovog ugovora će biti prilagođene kroz ugovor o izmjeni ugovora koji će potpisati obje ugovorne strane.

#### **Član 16.**

##### **Promjena dobavljača**

U slučaju prijevremene promjene dobavljača, primjenjuju se odredbe Pravilnika o snabdijevanju, kao i člana 17. ovog ugovora.

#### **Član 17.**

##### **Trajanje i prestanak ugovora**

Ugovor se zaključuje od dana obostranog potpisivanja ugovora do 31.12.2020., odnosno do realizacije predviđenih količina, u zavisnosti šta prije nastupi.

Ugovor se smatra zaključenim i stupa na snagu danom obostranog potpisivanja.

Bilo koja ugovorna strana može na pisani zahtjev raskinuti ovaj ugovor uz otkazni rok od 21 (dvadeset jedan) dan pod uslovom da izmire svoje dospjele obaveze prema drugoj ugovorenoj strani.

Ugovor može prestati u slučaju nastupa drugih okolnosti za prestanak ugovora prema odredbama zakona i Opštih uslova za isporuku električne energije.

#### **Član 18.**

##### **Viša sila**

Ugovorne strane mogu biti oslobođene od odgovornosti u određenim slučajevima koji su nastupili nezavisno od volje stranaka.

Nastale okolnosti, nezavisne od volje stranaka, koji ni pažljiva stranka ne bi mogla izbeći, niti mogla otkloniti njihove posledice, smatraće se kao slučajevi više sile koji oslobađaju od odgovornosti, ako su nastali poslije zaključenja ugovora, a sprječavaju njegovo potpuno ili djelimično izvršenje.

Pod pojmom više sile smatraju se spoljni i vanredni događaji koji nisu postojali u vrijeme potpisivanja ugovora, koji su nastali mimo volje i moći ugovornih strana, čije nastupanje i dejstvo strane nisu mogle spriječiti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom. Strana pogođena višom silom treba odmah elektronskom poštom, telegramom, ili telefaksom da obavijesti drugu stranu o nastanku, o vrsti i eventualnom trajanju više sile odnosno drugih okolnosti koje sprječavaju izvršenje ugovornih obaveza.

#### **Član 19.**


##### **Broj primjeraka ugovora**

Ovaj ugovor sačinjen je u 4 (četiri) istovjetnih primjeraka, od kojih svaka strana zadržava po dva (četiri) primjerka.

**ZA UGOVORNI ORGAN  
V.D. DIREKTOR-a**



**Mirsad Delalić, dip.soc.rad.**



**ZA DOBAVLJAČA**



**Bajazit Jašarević, [redacted] generalni direktor**

**Džemo Borovina, izvršni direktor za  
snadbijevanje i trgovinu**



**Broj:13-14-02-585/19**

**Datum: 09 .01.2020. godine**

**Broj: 01-06-2522/2020**

**Datum: 28.01.2020**

*Handwritten signature or mark in the bottom left corner.*